

巢经巢全集

第五
册

播雅卷第七

遵義鄭珍子尹編輯

遵義唐樹義子方校訂

李知山專一百六十首

葉榆官舍夜坐

衙齋花幾樹月下影扶疎對鏡尋真樂分光讀破書每從千里外間坐二更餘
此意知誰解長歌付太虛

殷夢臣先輩將歸粵諸友留之同飲黔靈山

共擬行觴政相傳有好山春晴稱人意路險學猿攀風物攬千里別離偷一閒
只愁明日事折柳向郊關

登錦官東城

不知鄉國裏亦有仲宣樓日日憑高望深深抱客愁蜀鵲啼四野漢鹿走千秋

此際宜尋醉殷勤問杖頭

王青常先生將赴西寧予亦南行賦別

相逢情未暢又各一天秋本擬從公去其如不自由名原因世避饑且用文謀
說與常何道無勞薦馬周

王青常先生寄序拙稿

文章妙天下乃以弁雕蟲夫子誠元宴鯁生愧太沖窮魔麾不去幽恨寫難工
醬瓿無將覆卿雲五色蒙

中巖

天下好山水君王與佛分丹黃將寺隔鐘鼓到江聞客繫如萍纜僧攜滿袖雲
停杯問鷗鷺何日許同羣

眉州謁三蘇祠堂

草木凋枯後於今未改觀才名吞二黨家學峙三壇世主思堯舜羣凶惡又安

逃禪游戲耳口實笑儒酸

舟中望峨眉

尙未冬先雪其高固可知
峭寒撐碧落遠影跨江湄
崖壑晴全見登攀素所期
獨嫌雙槳捷相對不移時

東鎮遠廣文劉豹南二首

五年無字寄一見覺情親
行客每盡醉廣文能不貧
理曾談剝復我固極沈淪
何物青氈上還栖第一人

船爲官爭去途窮只一言
使人租舸艇送我下辰沅
綠玩沿江樹紅看夾岸村
問心何樂甚曾叩故人門

南充江隄晚眺

大郡題空署春城草獨肥
鹿羣舟外聚鬼火望中飛
映澮纔消劫循良且樂饑
因憐隄上月曾贈萬家輝

一花堂訪爍吼禪師

乙卯及壬申茫然十八春對公如隔世嗟我尙凡人道力三餘厚交情兩世真
果慵前路去不爲病逡巡

壬申秋杪滇城雜興六首

尙憶趨庭日重來已十年交遊誰復好形影自相憐落照橫虛席殘秋沒遠天
城南舊官舍曾否是從前

閉戶今無謂雙扉日每開塞鴻嫌地遠寶馬逼人來平子愁休賦王郎歌莫哀
久晴多爽氣試上五華臺

螢火經霜盡弄輝能幾時翠蛾嬌宛在鐵馬去何之雪恥曾無恨稱尊得不欺
銅駝荆棘裏索靖已前知

蠹爾鴟張日孤高獨老親一官讒不起萬死客長貧伏臘違先壟詩書廢後人
悲來懷往事蘇武繪麒麟

負罪如江義一沈還兩經誰知陰有救正是鬼舒靈食客酬田氏漁翁縱伍生
斯人忘古道允矣服常刑

江義鎮遠守將雲實總督甘公文規遇之甚厚逆桂將叛陰使襲甘義阻兵拒之甘自經後逆敗義畏罪

奔西羌羌不納請降渡金沙江第某泣進曰兄曾記拒甘公事乎乃自沈忽一木後水出負之起喜曰神救我矣行數日第復進曰甘雖沒親屬固多兄自度果能免乎更就益屋梁輒折喜曰吾真不死矣復行第逸去尋降見主軍者色頗厲悔欲自經守者覺救之囚之滇城凌遲死

方外相招去交遊老比丘逃禪吾自喜不孝佛能收道衍徒行怪賓王止避讎
途窮君莫詫命在復何憂

滇池晚發

夙負滇池約茲行亦快哉扁舟臨夜發新月帶波來水鳥宿寒葦榜人歌落梅
昆陽百廿里風便卽城隈

庚辰春暮客黔西患疥稍愈攜獻兒徒步還山居途中作二首

苦疥蹉跎甚春光尙可憐山勻螺子黛蕨奮小兒拳客路愁今日齋居憶往年
子規聽不得何處酒旗懸

形影空相弔寬然此大荒柳縣飛撲面溪水涉褰裳坐坐逢苔石行行倦夕陽
主人村舍遠辛苦度前岡

送余秉彝入幕蒲州

故鄉何處問依舊是并州蕙草香難挹桑乾水自流管寧纔阜帽王粲又高樓
卽此腸堪斷無論去與留

輓鮑相如同年

良友殊凋謝駸駸影答形猶聞鮑明遠客死鳳凰亭有婦堪投北無兒可授經
人生乃如此腸斷楚山青

輓弟媳蘇氏二首

造物知難問巫陽安在哉如何看築里次第入泉臺不念孀姑老須憐稚子哀
招魂元故事去矣孰歸來

小襟嬰方育呱呱十二時代哺無僕婦託命有鄰姬地下眠難穩人間事可悲

仙童能長大解道母爲誰

贈鄒謙也

君是名賢後照人如玉山相逢萍水裏共醉麴塵間彩筆年方少青燈夜不閒

龍泉舊詩句珍重莫輕刪

鄒汝愚年十九領蜀解人爭訝之鄒作詩云龍泉山下小書生偶捷三巴第一名世上許多難了事鄉人

何用太相驚

新冢

爾宅前岡畔如何到此間夜臺無白日秋草覆紅顏阿母哭相送嬌兒啼未還
我心殊匪石淒絕雨中山

癸未除夕二首

半生微尙在齷齪豈相關未免難違俗無能卽買山坐令年歲改不覺鬢毛斑
何日烟霞裏巢由數往還

驀然添一歲漸老復何疑細省榮生樂休含墨氏悲興當留不盡首豈易言垂

借問前溪路梅花發幾枝

出貴陽城

莊蹻天南路分明記不譌岫橫烟斂翠溪著雨成河未免揶揄笑猶乘款段過
最難回首望天際白雲多

五溪道中二首

曉發見蠻烟逡巡不敢前人窮半日力路入九重天伏莽防山鬼投荒念杜鵑
葭萌巉絕處辛苦似當年

漸入王陽道淒然淚滿襟還逢一天雨溼透幾重衾榻穩眠誰傍宵寒酒自斟
明朝江水漲前渡豫關心

訪南泉語峯禪師

極頂南泉寺關心已閱旬如何穿鳥道纔見斬貓人風雨留行久雲山發興新
果能分曲肱投憩敢辭頻

洞庭

試倚滄波望楚天如此長九疑皆化水三峽竟何鄉但覺空諸有無能測所藏
魚龍莫驕恣柳毅在中央

君山

君山如許大望裏只盤盂班竹萬竿淚香秔千畝租擔搖行不到烟鎖影全無
頓解雙丸感三千里未誣

新脛河

河名因新脛前此號無存朝涉知何罪成湯有是孫鬼隨鴉叫屈血情蘚畱痕
却怪三仁者終慳廢置言

送穆貞菴之任齊河

旨酒笙簧日青雲早致身今承明主詔往牧太公民行李輕如籜隆冬煦似春
莫嫌衝道苦盤錯此方新

都中留別傅漢臣

羅甸青郊外分攜歲月多長安忽相見酒肆數悲歌已歷艱難盡其如造物何
明朝驚又別萬里隔山河

西來寺次王參軍雲川韻

密箐封蘭若炊烟入望微崎嶇經九折剝啄啓雙扉客繫桃花馬僧披屈朐衣
此遊殊不惡茗戰莫思歸

按西來寺在郡治西三十里八里水平林蒼鬱一徑幽通康熙初建破
山明大師弟子兩生來開道場名松邱禪院爲手按大乘經字數種柏
數十萬株其尾字倒植之後長枝皆下垂今猶存寺內有釋藏

壽康成

才子初生際璿璣轉孟陬身從西嶺降墨灑大江流今日陳春酒三旬有二秋
無窮天下事笑太白老儒頭

與康成別八日夜飲次韻

江山原咫尺難_賦大刀頭狡兔尙三窟吾生空九州那能麴蘖氏化作長江流
對君只酣飲萬事忘綢繆

哭談人哲孝廉

僧舍雞鳴後乖離閱二春寧知京邸客遽化北邙塵慧業能逢世微官不及身
此生難復見悽絕淚沾巾

祝華封新居

舊時過訪處不辱主人留却買城南墅坐看沙際鷗園深蒔花竹春老喚羊求
卽此神仙似何須慕十洲

哭楊賢石孝廉

華陽星聚處四座客皆驚不與俗同調甯非天篤生詩疑匡鼎淺易較酈炎精
忽報斯人去難爲吾道情

舟中晤李東陽邀飲其家

吾宗老兄長不記別何年攜手長江上維舟曲岸邊
久藏春壑美旋釣白魚鮮
既醉還相送芳洲起暮烟

蘇孺人挽詩

佳偶從何覓王郎亦幸哉既爲明允後

老泉二十
七世孫

兼抱若蘭才

詩才敏妙書
法古健絕倫草

聖猶行笈詩魂已夜臺徽音誰復嗣沒齒有餘哀

白帝城

孤城臨絕壁古廟宿層雲記不祧真主名空紀僞君
江山形屢變楚蜀界將分
過客扁舟上鐘聲向曉聞

二月十五夜漢陽舟中

大別山前客行行尙復留春江逢月夜情景憶南樓
一葦杭殊便三杯醉且休
元規如可起誰與更同遊

公輿攝篆新安邀遊白洋淀

盡愛臨流住炊烟不計家老翁行數鴨少婦坐撈鰕澤國殊堪羨仙居莫更誇
天隨非我號幽意迴無涯

辛亥午日飲尹展箴德裕宅

垂老孤窮客無聊祇自嗟中天逢令節冷眼對榴花世路行多礙吾生底是涯
猶憑昌歎酒一醉故人家

息烽道中

去去前山路崎嶇不可當泥深愁馬滑樹古看人忙生趣杳難得命根空自長
停鞭問啼鳥爾似不悲涼

寄仁懷杜羽經詮明府

滇城初識面驚喜記非常似入波斯國因探古錦囊年華雖屢易墨瀋尙留香
縮地慚無術蒹葭水一方

傷狗

不作頑冥物，憐渠誤受生。主人歸自外，搖尾遠相迎。缺食常癯相，妨奸有吠聲。一朝遭毒手，無席曷爲情。

內弟文百川辭銅仁學博歸會於貴陽

他鄉長作客，獨我兩人存。老景殊堪弔，卑官不足論。逃名安理數，失學慮兒孫。乍會還相別，何從覓一言。

題杜太守猗蘭像二首

寫照煩名手，鬚眉稱大家。棘園曾奪錦，星漢自乘槎。宦業憑孤注，循聲遍八遐。寄言披覽客，莫向古人誇。

人定天能勝，斯言匪妄傳。風猷經累試，雲路合超遷。令子乘驄馬，文孫種硯田。歸來林下臥，彷彿洞中仙。

按杜猗蘭名思賢，號省齋，遵義人。康熙辛卯舉人，由雲南廣通縣知縣。

累陞蒙化府知府卒所蒞勤求利病實惠及民霑益州有遺愛頌云公
德惟宏愷悌由中藹若春日厚若喬崧孝能錫類忠厯民恫南陽杜母
綽有宗風公政所嘉被澤靡涯吏不舞法民安其家雉依于轡鶴馴于
衙訟庭有瑞九月梨花公教維殷誨我諸生簡茲俊髦曲示裁成言提
其耳言創其文西平桃李亭柳青青公思無斁時來頴璧培我士風奎
閣是立煥乎東南文光赫亦龍門鳳池恩波罔極今其碑猶存杜氏於
郡爲望族前輩如謚謨諫及澤遠器遠書田諸公並聞有文章行義而
家弄者寸紙不可得卽猗蘭之賢其平生亦僅藉此頌石想見大概故
因知三此詩附之

登西望山

大約前生果是僧高山往往有緣登行過烟火人家遠顧問招提鳥語鷹風薦
衆花香十里雨澆深樹翠千層遲遲到此誰牽滯欲不探幽早未能

雨發普安

雞犬聲猶聽未終山城早被白雲封天於黔路偏多雨樹入滇門總是松一匹
蹇驢愁短景半肩行李怯高峯黃花滿地垂垂笑似笑行人共瘦容

到滇幾日獨坐無聊和友人周謙哉舊作二首

憐予裘敝似蘇秦好友離居不可親頗有因緣惟酒聖最無幫襯是錢神霜華

滿鏡愁將父秋色漫天惱殺人辛苦半身嘗已盡世間何物味津津

時滇督撫評家君疲

軟罷官

曾買深山爲避秦那知身世復相親昆明池水纔歌凱花草吳宮獨愴神遺子

已無思漢淚出師非是有名人重華一去今難遇安得桃花盡是津

時吳逆初平

安阜園

風光聞說洞天奇今見寰區亦有之砌石未教苔蘚沒宮花已許市塵移清秋
戍卒憑欄唱白晝啼鳥繞樹悲老向此間行樂耳無名底用輒興師